

Diario
10 Aña
cu
pueblo

POLIS

For di tempran ta cera caminda pa trafico pa Parada Grandi *Contrario na otro añanan*

ORANJESTAD(AAN) -- Comisario interino di Cuerpo Policial di Aruba, Lucas E. Rasmijn, a duna di conoce na DIARIO cu dia di e parada grandi na Oranjestad, esta 10 di Februari 1991, for di trempa ta cuminsa cera camindanan. Un apelacion ta bay na e pueblo carnavalesco pa paga bon tino cu esaki y no laga na ultimo hora pa sali for cas cu auto pasobra tur caminda ta cera.

1) For di 8'or di mainta lo cera caminda pa trafico riba Smith Boulevard. Esaki lo ta di e rotonde na Talk of the Town te cu Paardenbaaistraat.

Tambe Polis lo cera e parti di Prof. Lorentzstraat desde Weststraat y un parti di De La Sallestraat te na e cruzada cu Sividivi. Polis tambe lo cera van Leeuwenhoekstraat e parti di Caya Betico Croes desde Colombusstraat te cu Jupiterstraat, Verbindingsweg te na e cruzada cu Wilhelminastraat, Vondelland, Verbindingsweg, Fergusonstraat.

2) Desde 9'or di mainta lo cera Fergusonstraat pa trafico. E caminda lo worde cera solamente na e parti West te na e cruzada cu caminda grandi na altura di Brandweer.

3) Desde 9'or di mainta NO ta laga ningun auto core mas riba Vondellaan.

4) Trafico cu ta bin di San Nicolas riba e caminda grandi, lo worde desvia na e rotonde banda di J.F. Kennedyschool. Aki e autonon lo pasa via Stadionweg y Druivenstraat pa yega nan destino.

5) Trafico cu mester bay hotel-

nan grandi lo mester pasa: Stadionweg, Druivenstraat, Rondweg, Dadelstraat, e caminda door di Meiveld, pasa den Rooi Afo te na e cruzada di Paradera bira na man robez riba e caminda di Kibaima pa Tanki Flip, pasa Tanki Leendert bay Tanki Flip. Na e cruzada ta bay Noord te na e cruzada Shaba bira na man robez y sigui core te ora yega e hotelnan.

6) Trafico cu ta bin di hotel y ta bay direccion San Nicolas, lo mester pasa e caminda via Bubali pa Shaba coy e caminda pa Oranjestad, bira na man robez coy caminda di Kibaima pa Tanki Flip te na e cruzada di Rooi Afo. Despues ta pasa via Pavilla pa e carretera di Oranjestad pa Santa Cruz, via e caminda di Cumana pa e carretera te na e luznan di trafico na aeropuerto y coy direccion pa San Nicolas.

7) Trafico cu kier bay riba tereno di waf por pasa riba Smith Boulevard y dreña via e entrada parti West.

8) Promer y te na final di e parada ta prohibi pa staciona auto ariba acera canto e ruta di e parada. Esaki ta especialmente de Prof. Lorentzstraat, De La Sallestraat, van Leeuwenhoekstraat, pa asina no stroba e peatonnan cu ta haci uso di e acera.

E medidanan ariba menciona, cualnan lo worde indica pa borchi y baricadanan, lo keda na vigor te ora e parada termina. Vehiculonan cu viola e medida number 8, esta staciona auto riba acera, lo worde kita cu takelwagen.

Recherche ta investigando e caso Homber cu corta na heup hospitaliza

ORANJESTAD(AAN) -- Diabierna mas o menos 9.25 or di anochi, Recherche a worde notifica cu a presenta na policlinica un homber cu un hinca.

Inmediatamente miembronan di Recherche a bay hospital y a combersa cu e medico Mulder, kende a atende e victima.

E medico a duna di conoce cu e homber V.C.(26) biba na Paradera a presenta na policlinica cu un corta di mas o menos 2 cm na altura di su heup banda drechi.

E medico a sigui bisa cu mester a hospitaliza e victima pa obser-

vacion.

Miembronan di Recherche a bay combersa cu e victima pa haya sa kico a pasa. Nan a constata cu V.C. tabata bao influencia di alcohol y cu e tabata keha di hopi dolor na e parti abao di su curpa.

Mirando e hecho cu e tabata desea di sosega su curpa, e interrogacion a keda posponi te ora su curpa drecha.

Informacion cu DIARIO ta dispone di dje ta indica cu Diasabra V.C. a entrega keho di maltrato cu un arma. Kico exactamente a pasa no ta conoci ainda.

DIARIO

22207 - 26747 35026



**GANDELMAN
Jewelers**

CURACAO: Breedestraat 35 (P) - Tel. 611854.

ARUBA: Caya G. F. (Betico) Croes 5-A - Americana Hotel
Hyatt Regency Resort - Airport Departure Hall - Alhambra Shopping Center
Telephone: 32121.

OFERTA ESPECIAL

20 %

di descuento riba tur

PRENDA di FANTASIA

den tur nos tiendanan



Chofer a baha na awa despues di ocasiona accidente

Dos persona a ser herida

ORANJESTAD(AAN) -- Diasabra Departamento di Trafico tabata bastante ocupa.

Un total di 7 accidente a keda registra caminda 5 persona a resulta herida. Afortunadamente no tabata trata aki di casonan di gravedad y despues di tratamiento medico tur por a bay cas.

E accidente mas serio a tuma lugar mas o menos 3.35 or di madrugada ariba e caminda grandi di Oranjestad pa San Nicolas na altura di Isla di Oro.

Investigacion di Polis ta muestra cu e chofer J.K.(35) tabata core na man robez di caminda y a dal contra e chofer

dama L.W.(41) cu tabata core den trafico contrario.

E impacto tabata bastante fuerte y tanto e chofer L.W.(41) como e ocupante dama L.W.(58) a resulta herida.

L.W.(41) a sinti su garganta mientras cu L.W.(58) tabata keha dolor na pia.

Cu ambulance nan a ser transporta pa hospital y despues di tratamiento medico nan por a bay cas.

Notable tabata cu e chofer J.K.(35), a baha for e auto y a disparce. E caso aki ta bao investigacion.

OPTIMA 2
Excellent Career Opportunity
Optima N.V.
Hospitality Division
**is now accepting applications for:
Secretary position**

Job requirements:

- Must be fluent in English and Dutch. Spanish is a plus.
- Typing speed 100 w.p.m.
- Knowledge of P.C.
- In possession of a H.A.V.O. diploma
- English shorthand
- Outgoing and a pleasant personality
- Willing to set high standards of performance
- Must be available immediately

Job compensation: - According to capacities and experience
- Other benefits as stipulated by the company

**Interested applicants
can call 28131, ext.111,
between 10.00 a.m. and
2.00 p.m. for appointments**

**Ask for German Castaño,
Sales and Marketing
Director**